

جريدة محاکمه

۱۲۹۰

جمعه ایرتسی

نومرو	ربیع الاخر	سنه	کانون ثانی	سنه	صحیفه
۲۸۳	۷	۱۳۰۲	۱۲	۱۳۰۰	۲۴۴۹

- اشبو غزته بهر هفته جمعه ایرتسی کونلری چیقار سنه لکی در سعادت ایچون مجیدیه
 - یکرمی غروش حسابیله التمش غروشدر طشره لر ایچون اون بش غروش پوسته اجرتی ضم اولنور بهر
 - نسخه سی ینه مجیدیه یکرمی غروش اولق اوزره یوزپاره به هر یرده صاتیلور درج اولنه جق اعلاناتک
 - هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائره سنده کاشن
- جریده محاکم اداره سنه مراجعت ایللیدر

قسمت سی

(توجیهات عدلیه)

یوزغاد سنجاغی مدعی عمومی معاونلکی ادرنه
مقاولات محرری مصطفی بکه

ایچ ایل سنجاغی بدایت محکمه سی ریاست ثانیه سی
قیصریه بدایت محکمه سی جزا ریسی فضیلتلو
خلوصی افندی به

قیصریه بدایت محکمه سی جزا ریاستی ایچ ایل
جزا ریسی حسن رضا افندی به

بایزید مدعی عمومی معاونلکی بایبورد مدعی عمومی
معاونی عثمان افندی به

بایبورد مدعی عمومی معاونلکی بایزید مدعی عمومی
معاونی رمزی افندی به

از میر بدایت محکمه سی ریاست ثانیه سی بوسنه مکتب
حقوق شاهانه دن نشئت ایدن در سعادت بدایت

محکمه سی ایکنجی حقوق دائره سی ضبط کتبه سنندن
فائق افندی به

حلب تجارت محکمه سی ریاستی جده تجارت
محکمه سی ریاستندن مستعفی و توفیق افندی به

قونیه تجارت محکمه سی ریاستی در سعادت برنجی
محکمه تجارتی ضبط کتبه سنندن احسان بکه

وان تجارت محکمه سی ریاستی تکفور طاغی تجارت
رئیس سابق مغردیج افندی به

قره حصار صاصب تجارت محکمه سی ریاستی
محکمه مر قومه اعضا سنندن او خانس افندی به

عشاق تجارت محکمه سی ریاستی بروسه تجارت
محکمه سی باش کاتبی شاکر افندی به

MILLI KOTOFISSE
ANKARA

النملى حقنده محلى عدليه مفتشلكنه مر رسمى ويرلشدر

آيدن ولايت جليله سى داخلنده كائن صالحلو قضاى بدایت محكمه سى رئيسى عبدالحليم افندى ايله محكمه مذكوره مستنطقك محاكمه لر بنى ايجاب ايدجك درجده سوء حركتلى اوران تحقيقه مألرندن مستبان اولسيه تحت محاكمه النملرى حقنده محلى مفتشلكنه امر مخصوص نظارتپناهى تسيار اولمشدر

قونيه ولايت جليله سى داخلنده كائن نوشهر بدایت محكمه سى اعضاسندن اولوب استنطاق وظيفه سنى ايفا ايدن على بلك احكام قانونيه خارجنده واقع اولان معاملاتندن ناشى تحت محاكمه به التمسى حقنده عدليه نظارت جليله سندن محلى عدليه مفتشلكنه مآذونيت رسميه اعطا بيورلشدر

- (عدليه نظارت جليله سندن فى ۳ ربيع الاخر)
- (سنه ۳۰۲ وفى ۸ كانون ثانى سنه ۳۰۰)
- (تاريخيه تعميماً ولايات عدليه مفتشلكر يله)
- (مستقلاً اداره اولنان محللر مدعى عمومى)
- (معاونلر يله ياز يلان تحريرات عليه ضرر تيدر)
- دولتجه تحت محاكمه به النان مأمورلر وظيفه

سليمانيه سنجاغى مدعى عمومى معاونلكى كر بلامدعى عمومى معاونى امين بلكه كر بلا سنجاغى مدعى عمومى معاونلكى موصل بدایت محكمه سى اعضاى سابقه سندن سعيد افندى به

بوكره تشكيل اولنان ادرنه سنجاغى مدعى عمومى معاونلكى طرابلس شام بدایت محكمه سى اعضا ملازمكندن مستعفى عبدالرزاق افندى به توجه بيورلشدر

قونيه ولايتى داخلنده كائن بورقضاى بدایت محكمه سى رئيسى افندىك ليلاقز قاجيرمق فمليه مظنون عليه اولان رشخصك سبيلنى اخلا ائلسندن طولايى تحت محاكمه به التمسى حقنده عدليه نظارت جليله سندن محلى عدليه مفتشلكنه مآذونيت رسميه اعطا بيورلشدر

ولايت مشار اليها داخلنده كائن بوز قير بدایت محكمه سى اعضاسندن حاجى خطيب افندىك سوه افعالندن ناشى همان تحت محاكمه به التمسى حقنده جانب نظارت جليله عدليه دن محلى عدليه مفتشلكنه اعطاي مآذونيت بيورلشدر

ولايت مشار اليها داخلنده كائن قره مان قضاى بدایت محكمه سى مستنطقى هاجى يوانى افندى ايله معاونك و مدعى عمومىك وظيفه سنى ايفا ايدن برنجى كاتب مصطفى جالى افندىك احكام قانونيه خارجنده معامله لرى وقوعندن ناشى تحت محاكمه به

وكيله اعطاسيله نلشك مآذون ايسه اصيله ويرلسى وايشدن ال چكديرلش اولديغى تقديرده توقيف ايندلسى بالنسبب كيفيت تعميمادوار و ولاياته بيلديرلديكى بيان عاليه سيله عدليه نظارتجه دخى اجراى ايجابى بوكره با تذكره ساميه امر و اشعار بيور يله رقى اولوجهله لازم كنلره تبليغات مقتضيه اجرا ايدلمش و اشبو تخر يرانك نسخ مطبوعه سى على الاصول لفا ارسال قلمش اولغله ايفاي مقتضاسى خصوصنه همت

قسم غير رسمى

اسكدار مدعى عمومى سى سابق جدى بك ايله برادرى جبال بك و پوليس قوميسرى عزت افندى وزاندره اونباشيسى اجدافا ايله جانشيسى مهرانك در سعادت محكمه استينافيه سى جنجه دائره سنجه ايكنجى دفعه اوله رقى اجرا اولنان محاكمه لر ينك مابعديدر

جدى بك - (صوزينه دوام ايدرك) جله دن برى رشيد بك زماننده دو قنور حسنى بلك محكمه ده در دست رؤيت اولان اوراقنى اله رقى بطالده حفظ ايتديرمش اولديغنى تحقيقه وقوعبولان طلب اوزرينه طاقيله تقديم ايتمشيدم برده رشيد بك اكاه افندى ايله بالاتفاق اسكدار ده بر صوبجى دكاننده اوتورلر كن (تذكره كوستررك) ايسته

مأمور يترينى اجرادن ممنوعيتلى تاريخندن اعتباراً معاشرى قطع اولمش حكمنده طوتيلوب تيجه تحقيقات و محاكمه ده تماميله برائت ذمتلى تين ايدلىكى خالده معاشر ينك تاريخ قطعندن اعتباراً تام اوله رقى ايفاسى و مأمور يندن فر يضة حج شريفى ادا و يا تبديل آب و هوا ضمننده مآذونيت الانلره كذلك تام معاش اعطاسى و او مثللو مأمورلر ك وظيفه لر ينى ايفا ايچون تعيينى لازم كلان و كيلره ده مأمور ين موظفه دن ايسه جس دكل ايسه نصف معاش و يرلسى قرار نامه مخصوص ايجابندن ايسه ده اسباب مشروحه به مبنى موقع مأمور يتندن انفكك ايدن مأمورلره تام و وكيللر يله بر موجب قرار نامه ايجابنه كوره جس و يانصف معاش اعطاسى خزينه دن قارشولقمسز و مكرر اچقه چيقيسى ديمك اوله رقى بونك عدم جوازي جهتيله بو باده رقاوده ساله اتخا زينه لزوم كورنديكندن بعد از ين كرك دولتجه تحت محاكمه به النوب برائت ذمتلى تحقيق ايدن و كرك حج شريف و تبديل هوامقصد لر يله نساء مآذونيت الان مأمور ينك مدت محاكمه و مآذونيتلى معاشندن نصفنك كندولرينه و يرلسى و بونلره و كالتاً استخدام اولنانلره دخى بر موجب قرار نامه مأمور ين موظفه دن ايسه جس دكل ايسه نصف معاش اعطاسى و تلغراف خده سى و سائره كى آز معاشرى مأمورلردن برى مآذون بولنديغى و يا حود حسب الايجاب ايشدن ال چكديرلديكى خالده اكاكاش وظيفه خدمه موجوده به كوردير يلوب شايد و كيل تعيينى اقتضا ايدرايسه اول خدمته مخصوص معاشك نلشانك تعيين ايديله جك

رئیس - بز اونك محاكمه سنه باقیورز
 جدی بك - بنده كز ضارب می نیم بوئیجه اكلا
 شبیله جق بوئمالو وقوطات ومداخلات قاتون
 شكنا نه لری ومعاون اكاه افندیك معاوتی شو یله
 طورسون هفته ده ایکی کون دخی مجرد مقام
 مأموریتیه بر مسئولیت ترتب ایتدیرمك ایچون
 ایشلری تأخیر وتلو یث ایتك کچی اهانتی مشهود
 اولغله بر ابر مقام مأموریتیه ایکیشر ساعت
 بولنیوردی او کونلرده بنده كز اخشامه قدر
 محاکمه ده بولندم ایسه مدعی عمومیلکه مائد
 معاملات مهمه کسب تأخیر ایتدی بولندم ایسه
 بشقه بر معاون اولدیغندن اکثر یا محاکمه لری
 قالدی بوندن طولانی دولتمه قارشو وجدانه
 قارشو مسئول اولدیغ کی بونك بو احوال اسف
 اشتمالنی مدعی عمومی عطوفتو لطیف ب افندی
 حضرتلر ینده دولتلو ناظر پاشا حضرتلر ینده
 یازدم سؤال بیوره بیلور سیکز عیش وعشرتی
 ترك ایبه محل مأموریتیه دوام ایتسی و ایتدیکی
 تقدیرده تبدیلی عرض وتقریر ایده جگمی براخطار
 نامه مخصوص ایله کندوسنه ده بیلدیرمش ایدم
 آگاه افندی بو اخطار نامه بی الدیغی اختام رشید
 بکه کوتوروب کوسترمش واکننتی تاسسنده
 بو بکا دکلدن سزه در دیمش و (اجد اونباشی بی
 کوستره رك) بو آدم بوسوز یده ایشتمش بر بون
 سویلملی . ایشته بونك اوزر ینه خصوصتاری برقات
 دها تزیاید ایدرک (بوندن بویله هیچ بوام ایتمه
 برشی یاپه مز بنده آنک عزلیله بر ینه سنی اجرا
 ایتدیره جگم) دیمش اولدیغی او کیچه یانلرنده

شو تذکره بی یازارلر کوندرلر بالاسنده اسمی ذکر
 اولنان ودلون نام شخصی عربه سنه چکتوب
 وفاته سلیمیت و یرمکه موقوف بولنان عربه جی بی
 یعنی بر قائل مخطی بی کیچه ساعت ایکیده توقیفخانه
 دن چیقارلر بونی فرداسی کونی بنده کزه بولیس
 دائره سی مع التأسف بیان واخبار ایدر بنده کزده
 در حال بولدیروب توقیف ایتدیره رك شو حاله
 نصل متجاسر اولدیغنی معاون اكاه افندیك سوال
 ایتدیگمه رشید بک امر یله یایدم سنی طایم دپدی
 بنده کزده تذکره بی عیناً استیناف مدعی عمومی لکی
 مقام مالیه سته تقدیم ایتدم اوراده دخی اقرار
 واعتراف جرم ایتش اولدیغندن شفاهاً تکدیر
 اولندقلری کچی (بر کاغد کوستره رك) اشته رسماً
 کلان تو بیخنامه دخی شودر . ایشته اندن صکره
 معاون اكاه افندی بلاعذر شرعی اون بش یکر می
 کون کلدی کیچه کوندر رشید بک خانه سنه
 دوام ایلدی اولجه ثروت بك نامنده بر شخصك
 کویا ضرب اولدیغنه دائر علیه ده بر ژورنال
 یازلمسسه و بویله بر دعوی آچیله رق استینافده
 باقلمسسه ینلرنده قرارو یروب ثروت بك دخی (اجد
 اونباشی بی کوستره رك) شواحد اونباشی یه رشید
 بکک لندن قوریتله میورم جدی بك بی بش کون
 حبس ایتدیگندن علیه ده بر ضرب دعواسی اچاچم
 سز زده بویوله شهادت ایدر ایسه کز ایکیشر
 مجیدیه آوب کتوره جگم دیو سولسسیله اجد
 اونباشی جواب رد و یره رك شو حالی راست
 کلدیکنه تأسفله بیان ایتش اولدیغنی ایشتمش
 ایدم عین ایتدیره رك اجد اونباشیدن سؤال ایتلی

بولنانلردن روایت اولتمشیدی ینه بر ایدن صکره
 طوبوخانه لی اوغلنده ایکی کشتی قونیشورلر مش
 و (رشید بک ایله اكاه افندیك جدی بکه عداوتلری
 وارمش ایکی قادین او کروتوب جدی بکک او ینه
 کوندر جگ کرده باصدیره جقلر تأسف اولنور بوئمالو
 خباثیه) دیمش بر متعلقات عاجزیدن راغب بك
 دخی اوراده بولتمش فرداسی کونی علی الصباح
 پاشا قپوسنه کله رك ساعت درده قدر عاجزلرینی
 بکلمش وصکره ده (برورقه کوستره رك) شو ورقه بی
 مدعی عمومیلک او طه سنده یازوب مظر و فاً
 او طه جی یه براغوب کتمشدر بونی او طه جیلرله
 اثبات ایدرم (مذکور ورقه بی او قویه رق) ایشته
 شو ورقه بی ولطیف بك افندیك تو بیخنامه سنی
 ومداخلات قانون شكنا نه یه دائر نزدمه بولنان
 سائر ورقلری وقعه کیچه سی او طه مده بولنان
 ذواته ارانه ایله دشمنلرک انجق بولنردن عبارت
 اولدیغنی سویلدم بوندن عزت افندیك البته معلوماتی
 اوله جق چونکه او ائناده عزت افندی کله رك
 (بك افندی بوسزك معاونا کز اوله جق اكاه ورققاسی
 طرفلرندن یانیش بر پلاندر ترتیبلری بشقه ایدی
 موفق اوله مدیلر) دیمشیدی بر معلوماتی اولمامش
 اولسه ایدی بویله سویله مزایدی شمیدی بو جهتله
 عزت افندیك بویله بر ترتیبلر ینه کسب معلومات
 ایتش اولان باغلر باشی مختار ینك دامادی مطوس
 افندیله اسکدارده ساکن عزتلو شمس الدین بکدن
 واستانبول بدایت محکمه سی جزا دائره سی
 اعضاسندن فضیلتو نشأت افندیك مع القسم
 سؤال بیورلمسنی استرحام ایدرم آندن صکره مهرا ن

کچی بر سابقه لو سرخوش واسطه سبیله شو مصنع
 ضرب دعوالرینی میسدانه چیقاروب طریق
 غزته سنی دخی واسطه ایدرک وجدانلرینی بیحضور
 ایدن مقصد دناشکارانه لر ینك حصولنه یعنی بلا
 محاکمه عزلنه موفق اولدقلرینی سویلرم
 رئیس بك - صفوق قائله بولنکز تجاوز ایتیکز
 جدی بك - رجا ایدرم عرض ایدم ایدم
 رئیس بك - تلاش ایتیکز
 جدی بك - جناب حق و عادل مطلق عدل
 ودادك مآثر مجسمه سی دیمك اولان وذات مستجمع
 الکمالاتی دولت وملته لطف مخصوص جناب کبری ا
 بولنان شوکتلومر جتلو پادشاه فاروق جاه وشهنشاه
 حقایق اکتناه افندم زک عمر واقبال وشوکت واجلال
 شاهانه لرینی افزون بیورسون سایه عدالتوایه
 جناب ظل الهمیلرنده محکمه علیه کزجه حقیقت
 تظاهر ایدرک احقاق حق اولورز بنده کز عزلنه
 تأسف ایتم باقیکز که مداخلاتی اصفا ایتیمان
 مأمورلر ایچون قانون شكنا نه نهلر یاپور لر حتی
 ادعاده بولنسی ایچون تهدیدانده دخی بولنیورلر
 رشید بکه اکاه افندی مهرا نه دیمش که اگر چه
 سن جدی بکک حقه ده دعوی ایتز ایسک اونباشی بی
 ضرر بکدن طولانی سنی او ج سنه جزا لندیره جفز
 بونی اثبات ایده جگم کذلک بر بازار کونی دخی
 مهرا ن ایله عربه ده اولدقلرینی وفنار بقیچه سنده
 بولندقلرینی و اوصره ده ینه بر بازار کونی طوبوخانه
 لی اوغلنده بر قهوه خانه ده تجمه له علیه ده
 مشورت ایتدقلرینی اثبات ایده جگم عزت افندی
 وخدمه اجد اغا ومقصود و کرقور و سمیونک

شهادتنامه مع القسم مراجعت اولنسون حتی
رشید بک ایاغنی ایاغنی اوستنه قویوب جدی بکه
سویلیک کلسون (ایاغنی قالدیره رق) شو ایاغنی
اوپسون غزته لره یاز دیر میهم سوزینی مقخرانه
سویلیکی و مهرانک اونباشی به اوروب فرار ایدر
ایکن دو شمسندن و بورنی قانه مسندن خبر المش
اولمی که اغزی بورنی قانه ملغ اوله رق کلدی دهرک
ژورنال بازسون دبه عزت افندی به خبر کوندرمش
اولدیغی و بو خبری کوندردیکی وقت یاننده نجیب
بک بولدیغی عزت افندی طرفندن سویلتمشدر
بونلر مقصود کورور ارتین سیون مطوس و قهوه چی
صالح افندی تک معلوماتلرینه مراجعتله اکلشیله چغنی
کچی یمن ایتر بله رک استیناف مدعی عمومی قلی
کتبه سندن سؤال یورلسون

رئیس بک افندی حضرتلری مهراتی بز ضرب ایتمک
بوده برصنیعه در فرض ایده لم که فاطوره کتورسون
ویا خود فاطوره ویا اورنک پارچه لرینی المغه
کلسون تکرار تکرار جدی بک سزمیسکز دهرک
برادردن سؤال ایندوب جواب الدقدن صکره
اورالده طولاشه رق فرار ایتمی و تکرار کیجه
دیگر عربیه ایله کله رک و اونباشینک کوزینه اوره رق
قاجسی و بالتعقیب قهوه ده طوتلمی و اوراده
قرنداشی و رق قاسی ایله برلشهرک کورلتی چیقارمی
واوطه یه کلدیکنده مجرد کورلتی چیقارمی ایچون
سرخوش سلقله قولنی صا ووروب جامی قیرمی
و حالبوکه اوطه یه کور ایکن تا قارشومزده بولنان
مقصود و کورور افندی لرک خانه لری اوکنده ایکی
سرخوش آدم (بقالم مهران نه چیقاره چقی)

دیدکاری قومشور طرفندن ایشیدلمس و بونلرک
غایت سرخوش اولدیغی متواتر بولدیغی کچی اوکون
ساعت اونقدر او مده آیدم دیمش اولدیغی حالده بونک
ارقدا شریله اوکون درتدن اونقدر بر محله عشرت
ایتمکاری بر قاج ذات طرفندن خبر ویرلسی و حتی
کوندزکی عربیه چی به قاضی کوینه کیمک اوزره بازارلق
ایتمشیکن قره غولک اوکنده عربیه بی طور دیروب
برادرمله اوسته لرک یاننه کلوب کیندکن و فرار
ایتمکدن صکره عربیه جینک مهرانی اوراده و طور مقده
اولان مغازه جیلر کتخداسنه ارانه اله بو کیدر
یلور میسک دیمسی و کتخدانک ایجمادیه لی ز به نک
بریسیدر دهرک سولسی اوزرینه قولندز طوتیلوب
طیشارو اتلمی و او صرده عربیه ایچنده برده
رافی شیشه می بولتمی و فرداسی کونی ارتین
افندی تک خانه سنه کیدوب رجاده بولنلری و قپوده
دخی طروس افندی و مهرانک متعلقاتک سرخوش سلقله
بریا کلسلق اولش ادبزلک ایتمش ز اولدیق
اورر ایکن دبه رجاده بولنلری دخی بخبر از دیرلمش
ومن جهة مظنون بولتمش اولان لئون ایله رونک
شوراده بوراده بزم مهران مسؤلر دیملری
کچی حاصل اولان دلائل و احوال ایله ادما اولنسان
ضربک اصلی اولدیغی معلوم و مبرهندر
فعل ضربک پنجه پرده لری ایندیرلدکن صکره
وقوع بولدیغی مدعی شخصی ایله مدعی عمومی
طرفلرندن بیان و ادعا یدلکده ایکن عکسی حال یعنی
برده ارقه سندن کی وقعه ایچون شهود استماعی
جاز اوله میوب ایشی انجق محکمه علیه کزک وجدان
و عدالتنه حواله ایدرم

مدعی عمومی - جدی بک افاداتی شخصیاته مائد
و دعوا دن خارجدر اولکی افاده سنده معاون جدی
افندی تک خانه سنه کیده جک ایکن بزم خانه مه کلدی
دیمش ایدی شمعی ایسه رشید بکه آگاه افندی
تصنیعاً بزم اویمه کوندر مشردر دیور
جدی بک - رجا ایدرم

رئیس - بتورسونلر سویلر سکز تلاش
ایتمک

مدعی عمومی - ایشته بو صورتله افاده لرنده مبابنت
حاصل اولمشدر شاهد لر جلب اولتمشدر استماع
اولنسون

جدی بک - دعوانک صنیعه اولدیغی تحقیق
ایده یور

قولولیان افندی - جدی بک بو افاده سندن برشی
استنباط اولتیور که رشید بکه آگاه افندی طرفندن
مهران آلت ایلمش دیمک که مهرانک دو کلسنی
شمعی ضیماً دکل صراحة اقرار ایدیور لر باقلسون
مهران بو ایشه آلت اوله ییلورمی

جدی بک - افندم ایکی محاکمه ده ده سویله یورم که
قولولیان افندی تک حق یوقدر

اسماعیل افندی - اوت افندم حق یوقدر
رئیس - نیچون حق یوقدر

اسماعیل افندی - مهران حق شخصینی اسقاط
ایتمشدر و دعوا سندن فارغ اولدیغی سویله مشدر
رئیس - نرده سویلش

اسماعیل افندی - پاشا قپوسنده متصرف پاشانک
حضورنده و جدی بک حضورنده سویله مشدر
رئیس - محکمه جه بوکا دائر قید یوقدر

اسماعیل افندی - محله قاعده سنجه الساقط لایعود
یعنی ساقط اولان شی هودت ایتمز
رئیس - سز دیور سکز که پاشا قپوسنده کلدی
متصرف پاشانک و جدی بک حضورنده دعوا سندن
فارغ اولدی حالبوکه شمعی حضور حا کده دعوی
ایدیور

قولولیان افندی - (ایاغنه قالدیره رق) صدک
خارجنده سوز سویلتمسون بن نه صد ددن خارج
سوز سو یلرم ونه ده حدت ایدرم مهران پاشا قپوسنه
کیتش دعوا سندن فارغ اولدیغی سویله مش حالبوکه
مستنطقه اشکا نامه و سعادتلو مقش بک افندی
حضر تلیرنده عرض حال و یرمش اولدیغندن
بو سوزلرینه بر معنی و یرم بو بایده اوراق رسمیه
وارد

رئیس - اوطور یکز
قولولیان افندی - دهها بتورمدم افاده می بتورم
افندم

رئیس - پکی
قولولیان افندی - مؤکلم رشید بکی طانیاز آگاه
افندی بی ده طانیاز جدی افندی بی ده طانیاز
بو جهته جدی بک سویله مش اولدق لری سوزلر
شایان قبول دکدر

عزت افندی - بزم ژورنال صاتیلق دکدر بن
ناموسلی مأمورم ساخته در دیور لر شاهد کیر قورک
مظنون اولدیغی اثبات ایده جکم

رئیس - شاهد لرک شهادتدن صکره سزه سوال
ایدیور او وقت سویلر سکز
عزت افندی - (ایاغنه قالدیره رق) کیر قور شاهد دکدر

مظنون در قره غوله هجوم ابتدایی اثبات ایده حکم
 رئیس - بوفاده کز ضبط اولسون منرا و طوریکز
 شمدی شاهد لری استماع ایده جکر
 رئیس شاهد لئون خفایان
 حضور محکمه به جلب اولنور برصندالیه به
 او طور دیلور
 رئیس - اسمکر
 شاهد - لئون خفایان
 رئیس - کیمک اوغلیسن
 لئون - سرکر خفایانک
 رئیس - اوغلوم باباک نه ایشله مشغولدر
 لئون - خفافدر
 رئیس - قاج یا شنده سن
 لئون - اون طقوز
 رئیس - نه ایله مشغولسین
 لئون - تحصیل ایله
 رئیس - سمتکز زه سیدر
 لئون - اسکدارده طو بخانه لی اوغلنده
 رئیس - زقاقکزک اسمی
 لئون - طو بخانه لی اوغلی جاده سی
 رئیس - اوکزک نومروسی
 لئون - اون بش
 رئیس - بوجانفججی مهران اغایی طانیرمیسین
 لئون - اولدن طانیمز ایدم شمدی طانیرم
 رئیس - بوفاندیلری جدی بکی جبال بکی عزت
 افندی بی اجد اونباشی بی طانیرمیسک
 لئون - هابزم محله مزده او طور رو بورلرایدی
 رئیس - سنی بوکون محکمه شاهد صفتیله جلب

ایتشدر کوردیککی ییلدیککی ایشندیککی طوغری
 سو یلیه جککه و هیچ طرفه صحابت اینه جککه
 انجیل شریف اوزر بنه بی ایده جکک .
 لئون - بکی ایدرم .
 تحلیف اولندی .
 رئیس - اوغلم جدی بک جبال بک اجد اونباشی
 ایله جانفججی مهران اغا پیننده اولان مازعه بی
 سو یله ده ایشیده لم نصل اولدی
 لئون - اغستوسک اون بشججی چهارشنبه کونی
 باغر باشندن بوقارویه چیقوردردم بر پاتری کوردم
 اکلامق ایچون یانلریته واردم اجد اونباشی
 کتوره حکم دیور ایدی
 اجد اونباشی مهرانی الیدی بولدن کلدی براق
 کشیده کلدیلر طو بخانه لی اوغلنده جبال بک راست
 کلدک کتورک دیدی ومهرانی دورندی دره به
 طوغری کتوردیلر پزه ونک بونی نیچون پایورسن
 دیدیلرینه دلیلر پولیس افندی اجد اونباشی
 کتور دیلر قهوه به کسیر دیلر مهران اوراده
 صوایچدی بن اشانغی بوقاروکز یزکن الیلر جدی
 بکک خانه سنه کسیر دیلر اجد اونباشی پنچره دن
 اهالی به نه طور یورسکز کیدک دیدی صکر پرده لری
 قیادیلر صکره امان وای دیهرک بر پاتردی چیقندی
 دیرکن جام قیرلدی کیرقور وسائر بونه حالدر
 دولت وار عدالت وار قانون وار دیهره اوراده
 طو پلان دیلر باغر مغه باشلا دیلر . مهران (بنی
 دو کدیلر دعوی آچه جغم) دیور ایدی جبال بک
 چیقندی نه باغر یورسکز دیدی
 اودن چیقارکن مهران افندی اوچ درت کشی ایله

رئیس - (شاهد لئون خطاباً) مهران اغا به قرابتکز
 نه درجه در
 لئون - بن بیلم
 رئیس - (مهرانه خطاباً) لئون ایله قرابتکز
 واری
 مهران - یوقدر
 اسماعیل افندی - انکار لری ضبط اولسون
 جدی بک - قزقرداشنک اوغلی و یاخود عوجه سنک
 اوغلی بودرجه ده
 مدعی عمومی - مهرانک شاهده اولان قرابتی
 عوجه سنک اوغلی و یاخود بودرجه ده در دیورلر
 بویله اولسه بیله اصول محاکمه ماده مخصوصنده
 تعداد ای دیلان قرابت درجه سنده دکدر
 جدی بک - دیمک که مدعی عمومی بک قرابتی
 ییلور
 مدعی عمومی - افندم فرض محال اوله رق دیمکر
 دقت ایلسون
 جدی بک - بوندن تصدیق چیقار
 مدعی عمومی - دکدر بوندن تصدیق چیقماز
 رئیس - جبال بک سزک بوشاهده قار شوا اعتراضکز
 جبال بک - بن لئونک یاننده اولیوب اشاغیده ایدم
 ومهرانی بولده دورتمشم بونک اصلی یوقدر افتزادر
 افندم
 رئیس - دیمک که مهرانی بولده کلورکن دورتمدیکز
 جبال بک - خیر افندم
 رئیس - (عزت افندی به) عزت افندی اخباراته
 قارشو نه دیه جکسکز
 عزت افندی - شاهد دیور که اونباشی مهرانی
 کتورمک ایستوردی کیملر کورمش و بنده نرده

ایکی پولیس بنده کز برابر کیتدم زه به دیه صوردم
 قره غوله کیتدک او توردق عزت افندی صندالیه ده
 او طور دی مهرانی چاغردی نصل اولدی سو یله
 حقیقتی اکلایه جغم دیدی . مهرانده بنم کوردیکم
 کبی سو یلدی صکره قره غولی باصدیلر دیدیلر
 وقولاغنه برشی سو یلدی اجد اونباشی باقی
 کوزم شیشدی دیدی بن شیش فلان کوردم
 عزت افندی مهرانک یوزینه برتوقاد اوردی بن تحمل
 ایدمدم محله به خبرو یرمک اوزره کیدیلوردم زه به کیده
 یورسن سنی اورور ز طور دیدیلر بنده طوردم بوایشن
 معلوماتک واری سو یله افاده کی ضبط ایده جکر
 دیدی ایچروده بر باغرمق سسی ایشتم دیدی
 صکره طیشارویه چیقدق عزت افندی جدی بکک
 خانه سنه کیردی بنده قارشوده کی اوه کیردم
 رئیس - چهارشنبه کونی برشی کورمدکی
 لئون - خیر . بن یارمده کوردم باغله باشنه
 کیدیلوردم
 رئیس - بشقه برشی کورمدکی صکره اوه کسیردم
 دیورسک کیمک اوینه کیردک کیمی بولدک کیمی کوردک
 لئون - خانه صاحبی افندی بی کوردم
 رئیس - ساعت قاج ایدی
 لئون - اوچ بچق درت ایدی
 اسعد افندی - لئونک شهادتنه مانع اوله جق
 درجه ده مهرانه قرابتی وارد اوله بوجهتنک تدقیقی
 وثانیاً موکلم علیه بنده بر شهادتی یوقدر
 جدی بک - شاهد قهوه ده کورلتی اولدی دیور
 قهوه جی مهرانک هر شیه معلوماتی اولق لازم کلور
 ایکن محکمه به کلپور

دو کتسم و بوزدن کورمش دو کدیکم محلی کینسون
کوسترسونده جزایه راضی اولورم برده جلوس
همایون کیجه سی لثونی تعقیب ایتدم بنده کزه عرضی
واردر

رئیس - نصل بر دهاسو بلیکز

عزت افندی - جلوس همایون کیجه سی بوشاهد
لثون بعض فاملیار حقتده مناسبتسزلک ایده یور
ایدی بنده تعقیب ایتدم اوندن طولایی غرضی
واردر

اسماعیل افندی - مؤکلم برسوز سو یلدیکه عین حکمتدر
شاهد دیدیکه اونباشی مؤکله شونی الم شده کوزنی
کوسترمش معلومدر که قره غولده ایکی نوبتجی واردر
بورایه بروقوعات اولور ایسه طرنینی کتورر لر استجواب

ایدر لر زور نالنی یاپار لر یوقسه هر کس قره غوله کیره مز
واوز اقدن برشی کور یله مز وشاهدک اون سکز خطوه
اوز اقدن کزر ایکن قره غولده شو یله بر شی
اولدی دیمسی قبول اولتماز اکلا شلدیغنه کوره

بو ادم وقعه به مأمور اولمش ساعت یار مدن درده
قدر خراج از وظیفه طولاشمسندنه نه معنی وار
قره غوله کیدیلور اوراده کوز یکر اوه کیدیلور
اوراده بولنور کل عیبندن بشقه پکن محاکمه ده

سامعین میاننده بولنور ق جریان محاکمه بی دکله مشدر
اوحالده شاهد شایان قبول دکادر
سدعی عمومی - اولجه بوکا جواب و برلشیدی
دیگر شاهدک جلب اولنسی طرف ریاستدن امر اولنور

رئیس - شاهد مانوق چولا قیان
خدمه کتورر بر صندالیه یه اوتور دیر
رئیس - اسمکز

شاهد - مانوق

رئیس - نه ایله مشغول سکز

مانوق - دولت مأموریتنده یم

رئیس - نزه ده سکز

مانوق - رسوماتده یم

رئیس - سنکز

مانوق - الهی سکز

رئیس - نزه ده اقامت ایدیور سکز

مانوق - اسکدارده طوبخانه لی اوغلند

رئیس - خانه کزک نومروسی قاجدر

مانوق - اوج تومرولی اوده او طور ورم

رئیس - مهران اغایی طانیر میسکز

مانوق - طانیام

رئیس - (جدی و جمال بکر ایله عزت افندی
واحد اونباشی بی کوستره رک) بو افندی لری
طانیور میسکز

مانوق - بونلر قومشومز اولدیغندن طایرم

رئیس - بوکون محکمه سزی شهادت ایچون
دعوت ایتدی کوردیکیزی یلدیکیزی هیچ
بر طرفه غرض وحایت ایتیه رک و طوغری سو یلیه

جککزه انجیل شریف اوزرینه یمین ایده جکسکز
تحلیف اولندی

رئیس - طانیدیگکز مهران اغا ایله بو افندیلر میاننده
برمنازعه وقوعبولمش وسزده اوراده بوئمش سکز

دیور لر اسمکزی و یردی لر دعوت ایتدک ایش نصل
اولدی سو یلیکز

مانوق - افندم طعام ایدیور ایدم

رئیس - نه وقت

مانوق - اغستوسک اون بشنده یورطی کونی
ایدی چهارشنبه کونی ایشامیسی پنچشنبه کیجه سی

ساعت بر یچقه ده او یمده یمک یوردم برجام شانغرتیسی
اولدیغنی ایشتم قیوبی اچدم طیشارویه فرلادم

برطاقم سسلر ایشتم جدی بک سن کیم اولیور سن که
آدم دو کیور سن دولتک قانونی وار نظامی وار

شرعیسی واردیه بریسی باغر یور ایدی و بریسیده
بنی اولدیر یور لر دیور ایدی

رئیس - باغر انلر کیم ایدی ییلور میسک

مانوق - قرانلق ایدی کیم اولدیغنی اکلابه مدم

رئیس - جدی بکک خانه سیله سزک خانه بیننده
نه قدر مسافه واردر

مانوق - اوتوز ارشون قدر

رئیس - زقاق غلبه لک می ایدی

مانوق - قرق الهی کشی فدر وار ایدی

رئیس - بشقه معلوم اتکز

مانوق - آلت شودین دشمنی دیدیکنی اجد او نباشینک
اغزندن ایشتم صکره پولیسلرده قره غوله
طیقیدیلر

رئیس - قره غول جدی بکک خانه سنه یقین میدر

مانوق - ارالنده برخانه وار

رئیس - سزه کیسه برشی صورتیمی

مانوق - بنده خانه کزه بر پولیس ایله مأمور کلدی
سؤال ایتدی

رئیس - سن ارقه لرندن کیتدکی و کیسه یه
صورتدیگزمی

مانوق - خیر افندم کیتدم اویمه کیردم کیسه یه

صور مدم

رئیس - ساعت قاج ایدی

مانوق - بر یچق اولمیدر

اسعد افندی - بو ایکی شاهد بیننده تناقض واردر
لثون یارمده دیور بو ایسه بر یچقه دیور

مانوق - تخمین سو یلدم

اسعد افندی - تناقض واردر دیدم تناقض دعوی
ردایدرو شهادت ایسه رأی العین کور مکله مشروطدر

مادامکه زقاقده قرق کشی وارمش اوحالده وقوعات
تواتر ثابت اولمیدر یوخسه بو یله ایکی کشی

ایله اولمز

مدعی عمومی - بوشاهد لرک شهادتی ذاتاً مشهود
بهی رأی العین کور دیکنه دائر دکدر افاداتی

دیگر لر ینه منضم اولمشدر

اجداد اونباشی - برآزه جقهده بن سو یله یم جانم بو ذات
صکره دن کله رک اجد اونباشی نه اولمش دیو

بکا صورتی شمعی کیسه یه صور مدم دیور بونی
اثبات ایدرم

مانوق - بن بو حالی تمامیلر دایدرم نه اونباشی یه
کیتدم ونه ده صورتدم یا کاشدر افندم اگر بو یله ایسه

بن جزاده طاشیرم

رئیس - (جمال بکه خطاباً) سز نه دیر سکز

جمال بک - بزم علیهمزده شهادت ایتبور یالکز
چامک قیرلدیغنی سو یلیور بزده دیور زکه مهران

کندمی جامی قیره شدر

رئیس - دیگر شاهد اغوب سو کیاسیانی چاغرک

خدمه محمد اغا - قرتالده ایش کلامش

رئیس - باقکز دعوتنامه بی قبول ایش می

ضبط کاتبی بهابک - مختاری طرفندن خانه سنده
 تسلیم اولندیغنه دائر بر پوصله وار
 مدعی عمومی - جلب نامه قاتون مخصوص موجبجه
 محل اقامت تبلیغ اولنش و کندیوسی دعوته
 اجابت ایتماش اولدیغندن اصول محاکات جزایه نك
 یوز قرق یدنجی ماده سی موجبجه جزای نقدی
 ایله محکوم ایلسنی طلب ایدرم
 هیئت بولندقلری محله خفياً مذاکره ایتدیله
 رئیس - شاهد اغوب سوکیاسیاندن دعوته عدم
 اجابتدن طولانی اصول محاکات جزایه قانوننك
 یوز قرق یدنجی ماده سنده توفیقاً بر لیرای عثمانی جزای
 نقدی اخذینه قرار و برلدی
 رئیس - دیگر شاهد قره بت حامپار سوهمیانی
 چاغریکز - حضور محکمه به جلب اولندی
 رئیس - اسمکز
 شاهد - قره بت حامپار سومیان
 رئیس - نهجی سین
 قره بت - صرافم
 رئیس - دکانک زرده
 قره بت - چارشوده قیوجیلر ایچنده
 رئیس - نومروسی قانچدر
 قره بت - اوتوز درت
 رئیس - زرده اوطور یورسک
 قره بت - اسکدارده طوبخانه لی اوغلنده
 رئیس - زه سنده
 قره بت - جاده ده
 رئیس - قانچ نومرولی خانه ده اوطور یورسک
 قره بت - یله میورم بکی کوچ ایتدک

رئیس - چیتدیغک اولک نومروسی
 قره بت - یکی یابلیش اولدیغندن نومروسی یوق
 ایدی
 رئیس - قانچ یاشنده سک
 قره بت - یکریمی ایکی
 رئیس - جانفسجی مهران اغایی طانیرمیسک
 قره بت - شمعی کور یورم
 رئیس - (جدی و جمال بکله عزت افدی واجد
 اونباشی بی کوستره نك) بو افندیلری طانیرمیسک
 قره بت - عزت افندی ایله احمد اونباشی بی طانیرم
 دیگر لر بی طانیرم
 رئیس - جدی بک ایله مهران اغا یاشند برمنازه
 اولمش بونی ییلور میسک سزی محکمه شاهد صفتیه
 جلب ایتدی کور دیککزی یلیدی ککزی و ایستدی ککزی
 طوغری سوویلیه جککزه هیچ بر طرفنه غرض
 ونفسانیت ایتیه جککزه انجیل شریف اوزر بنه مین
 ایده جکسکز
 قره بت - پکی افندم
 رسم تحلیف اجرا اولندی
 رئیس - غوغایی نصل ییلورسکز سوویلیه یکر
 قره بت - ساعت اون ایکی بی پکیوری بن اوه
 کیددیوردم زقاغک پوسته بولنده رخلبه لک
 کوردم یانغین ظن ایدرک سرعته یوریم هرکس
 جانفسجی مهران ایچروده دردیورلر ایدی ایچروده
 بر پاتردی کورلتی اولدی بر باغرمق سسی چیتدی
 پرده ایندی مهرانی صکره طیشارو به چیتاردیلر
 بی اولدیور یورلر ایدی دیدی
 رئیس - کچک خانه سنده

قره بت - یکی صاتلیدی جدی بکک خانه سنده
 رئیس - صکره نه یابدیلر
 قره بت - پولیسر واردی قره غوله کتوردیلر
 یالکز جامک قیرلیدیغنی ایشتم . بشقه برشی
 کورمدم
 اسعد افندی - لئونله بونک افاده سنده دخی تناقض
 واردر بریسی طیاقدن اول پرده ایندی دیگری
 او ائنده ایندی دیور بوشایان استماع دکدر
 جدی بک - بونک لئونله مشاوره ایتدکر بی مقصود
 و سیمون و کرقور افندیلرک خانه لرنده ایشتم
 رئیس - جمال بک سز نه دیرسکز
 جمال بک - بزه دائر برشی یوقدر افندم
 رئیس - دیگر شاهد روپن اغایی چاغریکز
 حضور محکمه به جلب اولندی و برصندالیه به
 اوطوردلدی
 رئیس - اسمکز
 شاهد - روپن
 رئیس - نهجی سکز
 روپن - صندقچی یم
 رئیس - قانچ یاشنده سک
 روپن - قرق بش یاشنده یم
 رئیس - سمکز
 روپن - اسکدارده طوبخانه لی اوغلنده
 رئیس - خانه کزک نومروسی
 روپن - اون بش
 رئیس - مهران اغایی طانیرمیسکز
 روپن - شمعی کوردم
 رئیس - بگری طانیرمیسکز
 روپن - خیر افندم انلریده شمعی کوردم

رئیس - بوکون سزی شهادت ضمنده دعوت
 ایتدک اولان وقوعاتی طوغری سوویلیه جککزه مین
 ایده جکسکز
 تحلیف اولندی
 رئیس - شمعی به قدر طانیدیغکز مهران اغا جدی
 بک جمال بک احمد اونباشی ییننده برمنازه اولمش
 سزده کورمش سکز وقوعات نصل اولدی سوویلیکز
 مابعدی وار

اعلان

پکن بیک اوچوز سنه سی رمضان شریفی او اخرنده
 فاتح جوارنده حیدر قر بنده حسن زاده مدرسه سی
 ساکنلرندن و طلبه علومدن مدعی شخصی محمد
 ابن حاجی احمد و حافظ مصطفی بن احمد و حافظ
 احمد افندیلرک اوطه لری قپولری آلت مخصوصه ایله
 اچیلوب اشباری سرقت اولنمندن طولانی مظنون
 علیه اولوب فرارده بولنان اورته بو یلی ابلاق
 چهره لی قرمز یی ناقلی قره کوزلی قرال و صاری
 صقالی واغزنده بولنان اوست دیشلر نك ایکیسی
 طیشارو چیقق و باشنده فس ویشل صارق والدر نك
 پرمقاری بر پارچه صیریقی چرکس موسانک افعال
 مذکوریه جرأته فرار ایلدیکی اوراق تحقیقه
 مالرندن اکلاشلش و حرکت واقعه سی قانون
 جزانک ایکیوز یکر منجی ماده سی حکمی مستلزم
 جنایاتدن معدود اولوب در سعادت محکمه استیناهیه سی

جنایت قسمندہ غیباً محاکمہ سی اجرا اولوق اوزره جنایتله اتهامنه قرار ویرلش اولدیغندن مرقوم هر زده کور یلور ایسه طویلوب محکمه مذکوره حبس خاسنه تسلیبی لازم کله جکی بالجله ضابطه عدلیه مأمورلینک معلومی اولوق اوزره اشبو اخذ وکرفت امری در سعادت هیئت اتهامیه سندن تنظیم واعطاقلندی

فی ۲۴ ربیع الاول سنه ۳۰۲ و فی ۲۹ کانون اول سنه ۳۰۰

کوچک بازار محله سنده سکر نومرولی خانه ده ساکن تحسین افندی طرفندن اعطا اولنان عرض خالده مصطفی نجمی افندینک شهر امانتی محاسبه او طه سی کتبه سندن محمد شکری افندی ذمتنده جهت کفالتدن الاجعی اولان مبالغت تأمین استیغاسی ضمننده مومی الیه محمد شکری افندینک ابویندن موروث مصر چارشوسی دروننده ۶ و ۱۳ و ۲۴ نومرولی دکانلریله فاتح جوارنده خواجه خیر الدین محله سنده ۷۷ نومرولی بر باب منزل مومی الیه مصطفی نجمی افندی طرفندن محکمه تجارت ایکنجی مجلسنک فی ۵ ایلول سنه ۹۴ تاریخلی قرار یله تحت مجزه الديرلش ایسه ده ذکر اولنان دکانک ملک وکدی نصف حصه سی قپان دقیق تجارندن دائسی متوفی محمد شکری افندی به ونصف دیگر دیخی متوفای مومی الیهک زوجه سی حاجه فاطمه زهرا خانمه مائد اولدیغی جهته مذکور دکانلر اوزرنده موضوع اولان جزک رفع و فکی

استدعا اولنمش و مومی الیه مصطفی نجمی افندی نافعہ نظارت جلیله سی شمد و فر مجلسی اعضا سندن بولندیغی حالده چند سنه اقدم طوبخانه ده فیروز اغا محله سنده ساکن ایکن وفات ایلدیکی ورته سنک اسامیسی ایله محل اقامتری مجهول بولندیغی بیان واقاده قنمش اولدیغنه و دعوا ی مذکوره نک اشبو شهر کانون ناینک اوتوز برنجی پنجشنبه کونی ساعت سکر راده لرنده فصل ورؤیتی مقرر بولدیغنه مینی یوم و وقت مذکورده متوفای مومی الیه مصطفی نجمی افندینک ورته سی مجلس مذکور کلدگری و یا طرفلرندن بروکیل دیخی کوندر مدکلر تقدیرده اصول محاکمه تجارت نظامنامه سنک مواد مخصوصه سی احکامنه توفیقاً معامله لازمک اجرا اولنه جعی معلوم اولوق اوزره اعلان کیفیته ابتدار قلندی

فی ۸ کانون ثانی سنه ۱۳۰۰

قوجه مصطفی پاشا جوارنده حاجی جزه حله سنده ساکن حسن افندینک یدی قله ده در یچیلک تجارتیله مشغول اولان طاشو ولد واسیل و کفیل دیمتری علیهلرینه اقامه ایلدیکی دعوانک تدقیقاتو ایکنجی مجلس تجارنده در دست اجرا ایکن مرقوماندن طاشو در سعادتدن عزیمت ایلدیکی ومحل اقامتی مجهول بولندیغی خبر ویرلش و دعوا ی مجوئه نک شهر کانون ناینک اوتوز برنجی پنجشنبه کونی ساعت یدیده فصل ورؤیتی مقرر بولنمش اولدیغندن

مرقوم طاشو یوم و وقت مز بورده محکمه مذکورده بالذات حاضر بولنمز و یا طرفندن نظامنه توفیقاً بروکیل کوندر مز ایسه حقه ده اصول محاکمه نظامنامه سنک مواد مخصوصه سی احکامنه تطبیقاً معامله لازمک اجرا اولنه جعی معلوم اولوق اوزره اعلان کیفیته ابتدار قلندی

فی ۵ کانون ثانی سنه ۳۰۰

غلطه ده سلطان بایزید محله سنده دکرمان زقاغنده کائن مقدا بر باب کورجی مغازه سی والیوم سکر نومرولی بر باب ومکرر سکر نومرولی بر باب که ایکی باب منزل ایله ایکی باب دکان درونلرنده مستقر تجار ایله اخذ واعطا اولنمیان جنتمکان سلطان محمود ثانی کدکاتندن بر طرفی عثمان اغانک کورجی

مغازه سی و بر طرفی کورجی علی افندینک مغازه عرصه سی و بر طرفی دباغ حسین اغانک منزل عرصه سی و طرف رابعی طریق عام ایله محدود ایکی باب منزل و ایکی باب دکانک کدکنه متصرف صغر قصابی عبدالله و برادری حاجی محمد اغار رضار یله و بیک ایکیوز عدد لیرای عثمانی بدل ایله طوبخانه عامره تخر برات او طه سی میری سعادتلو مختار بک افندی به قطعاً فراغ ایلدگری مکدور ایکی باب منزل ایله ایکی باب دکان کدکرینک فروختی ۲۳ نومرولی اعلام موجنبجه محکوم اولوب مدیونلردن حاجی محمد اغا دینی اولان مبالغ مقابلنده مذکور اسلاک


نصف حصه شایعه سی و عبد الله افندی ورثه کبارندن حافظ حسن افندی دیخی کندو حصه سی مع ملک دائن مومی الیه قطعاً فراغ ایده جکلرینی بیان ایتملرینه بناءً معامله لازمه سی در دست ایسه ده ورثه صغیره و صمیمی جیله خانمه تبلیغ اولنان اخبار نامه اوزرینه تسویه به صورت کوسترماش اولدیغندن مذکور املاکده ورثه صغیره حصه لری اولان اون ایکی سهمدن بش سهم حصه شایعه لرینک تاریخ اعلاندن اعتباراً اون بش کون صکره بالزایده فروخت اولنه جعی بک اوغلی بدایت محکمه سی اجرا مأموریتی جانبندن اعلان اولنور

فی ۵ کانون ثانی سنه ۳۰۰

بورجکی اصنافندن بیرام صوفی اوغلی محمد اغانک اصناف مرقومه دن خیرکار عثمان افندی به اولان جهت کفالتندن طولانی متوفیه فاطمه خانم ورثه سندن شفیق افندی به فی ۲۸ شباط سنه ۹۹ تاریخی و بشیوز نومرو ایله مرقم ایکنجی حقوق دائره سندن و یریلان اعلام موجنبجه محکوم به دینی بولنان مبالغت تأمین استیغاسی چون سراجخانه باشنده معمار ایاس محله سنده شهزاده باشی جاده سنده ایکیوز یکرمی سکر و ایکیوز اوتوز نومرولرله عتیق و ایکیوز یکرمی ایکی نومرو ایله جدید یوزیتش یدی ارشون بر پرمق عتیق و یوز ایکی ارشون یکرمی ایکی پرمق جدید عرصه اوزرینه

مبنى ايکى قاتدن عبارت فوقنده اوج اوپه و بر
 خورکشخانه بي حاوی و سنوی التى بيك غروش
 ايجارلو بر باب اخشاب بورجکى فرونك يوز
 يکرمى سهم اعتبار يله کدکندن اون سهمى و سکز
 حصه اعتبار يله ملکندن ايکى حصه دن ثلثك
 کفيل مرقوم محمد انا عهده سنده اولديغى قيدا
 اکلاشلس ومومى اليه شفيق افنديك استدعاسى
 اوزرينه فروختنه طرف رياستدن قرار و يرلمش
 اولغله تاريخ اعلاندن اعتباراً اون بش کون
 صکره بالمزايده فروختنه تشبث اولنه جغى در سعادت
 بدايت محکمه سى اجرا دائره سنده اعلان اولنور
 فى ۹ کانون ثانى سنه ۳۰۰

درت ارشون اون پرمق جديد وارقه جهتنده اوج
 ارشون اون بش پرمق عتيق و ايکى ارشون طقوز
 پرمق جديد عرصه اوزرينه انشا اولمش صلاح ايله
 استعمال اولنور سنوی ايکى بيك غروش ايجار
 کتورر يکرمى ايکى نومرو ايله مرقم دکان ملککنک
 کذلک يوز يکرمى سهم اعتبار يله اون سهمى
 و کدکنک دخى يوز يکرمى سهم اعتبار يله يکرمى
 سهمى مرقوم اورام عهده سنده اولديغى قيدا
 اکلاشلس اولغله تاريخ اعلاندن اون بش کون
 صکره بالمزايده فروختنه تشبث قلنه جغى در سعادت
 بدايت محکمه سى اجرا دائره سندن اعلان اولنور
 فى ۱۴ کانون ثانى سنه ۳۰۰



قوجه کش اوغلى اورامک ايکنجى حقوق دائره
 سندن اعطا اولنان فى ۴ ايلول سنه ۱۳۰۰
 تاريخلى و ايکيوز قرق طقوز نومرولى برقطعه
 اعلام موجبجه حلاطجى بدوسه محکوم به دينى
 بولنان مبالغک تأمين استيفاسيچون دايک استدعاسى
 و رياستک امر و قرار يله تحت ججزه الدير يلان قوم
 قيوده چادر جى احد چلبى محله سنده و جاده سنده
 اون بش ارشون عتيق و طقوز ارشون جديد
 عرصه اوزرينه مبنى و سنوی اون ايکى عدد عثمانلى
 ليراسى ايجار کتورر اون سکز نومرو ايله مرقم
 کار کير بر باب قورى قهوه جى دکانى ملککنک يوز
 يکرمى سهم اعتبار يله اون سهمى و محله مذکورده
 رق برارشون يکرمى ايکى پرمق عتيق و يکرمى

خديجه بهيه خانمک مصطفى فائق بك ذمتمده با اعلام
 شرعى الاجغى اولان مبالغ معلومه نك تسويه سى
 ضمننده مديون مومى اليهک ادرنه قپوسى جوارنده
 خديجه سلطان محله سنده دکرمان زقغنده يکرمى
 التى نومرو ايله مرقم بر باب خانه ده متصرف اولديغى
 نصف حصه سنک تاريخ اعلاندن اعتباراً اون بش
 کون صکره فروختنه تشبث اولنه جغى اعلامات
 شرعيه اجرا دائره سندن اعلان اولنور
 فى ۱۵ کانون ثانى سنه ۳۰۰

